



Universitätsbibliothek Paderborn

**R. D. Magistri Petri Lombardi Novariensis Episcopi
Parisiensis. Sententiarvm Libri IV. quibus vniuersæ
Theologiæ summa continetur**

Petrus <Lombardus>

Mogvntiæ, 1632

Vtrum pater potuerit vel voluerit gignere filiu[m]. A. B. C. D. E

urn:nbn:de:hbz:466:1-38829

sed mox ut voluit sine tempore, & impassibiliter
ex se unigenitum demonstrauit.

HIC QVAERITVR AN PATER PO-
tuerit vel voluerit gignere
filium. A

DISTINCT. VII.

HIC solet quæri à quibusdam, ytrum pater po-
tuerit vel voluerit generare filium. Si enim,
inquit, potuit vel voluit generare filium, ergo
potuit aliquid & voluit, quod nec voluit, nec po-
tuit filius: nam filius nec potuit nec voluit genera-
re filium. Cui versuæ facile respondemus sic-
tes. Posse vel velle generare filium, non est aliquid
posse vel velle subiectum potentia vel voluntati.
Est tamen aliqua potentia vel voluntas, scilicet
posse vel velle gignere filium: & ideo distinguenda
est intelligètia propositi verbi, posse vel velle gig-
nere filium, & posse vel velle aliquid. neque enim
generatio filii aliquid eorum est, quæ subiecta
sunt diuinæ potentia & voluntati: nec est aliquid
inter omnia vel de omnibus, sed super omnia &
ante omnia. Non enim ante voluit vel potuit,
quâ genuit: sicut nec ante fuit, quam genuit: quia
ab æterno fuit, & ab æterno genuit. Ex simili quo
que hoc videre possumus. Pater enim potest esse
pater, & vult esse pater: filius autem non potest,
nec vult esse pater: ergo pater potest vel vult esse
aliquid, quod non potest vel vult esse filius, non *Distinct. II.*
sequitur: quia esse patrem, non est esse aliquid, sed *huius præ-*
potest esse ad aliquid, ut in sequenti ostendetur. mi.

Ponit quædam verba August. unde potest mo-
ueri auditor.

SED yehemeter nos mouet, quod Aug. ait in li-
bro cōtra Maximum, qui asserbat patrem po-
tentiorē esse filio, eo quod filium genuit Deū crea-
torem, filius autē non, dicebatque patrē potuis-
te

se gignere non filium: & ideo potiorem esse filio. Ad quod respondens Augu. dicere videtur, quod filius etiam potuit gignere, volens ostendere patrem esse non potiorem filio, his verbis, Absit ut ideo potētior sit pater filio, sicut putas, quia creatorem genuit pater, filius autem nō genuit creatorem: neque enim non potuit, sed non oportuit. Vide & diligenter attende hæc verba, non enim non potuit: sed non oportuit. Videtur enim dicere, quod filius potuit gignere, sed non oportuit: & ita potuit quod non oportuit. Quare antem nō oportuit subdit dicens. Immoderata enim esset diuina generatio, si genitus filius nepotem gigneret patri, quia & ipse nepos, nisi auo suo pronepotem gigneret, secundum vestram mirabilem sapientiam, impotens diceretur. Similiter etiam ille si nepotem non gigneret auo suo, & pronepotem proauno suo, non à vobis appellaretur omnipotens, nec impleretur generationis series, si semper alter ex altero nasceretur: nec eam perficeret nullus, si non sufficeret unus omnipotens. Itaque omnipotētē genuit filiū patris natura, nō fecit.

Opponitur prædictis verbis Augustini.

C

Hoc autem videtur quibusdam non posse stare, scilicet quod filius potuerit gignere. Si enim potuit filius gignere, potuit esse pater: & si potuit esse pater, potuit ergo esse pater vel sui, vel patris, vel spiritus sancti, vel alicuius alius. sed alius nō: quia nullus alius semper fuit. Nec patris: quia pater est ingenitus & invincibilis. Nec sui: quia nullares seipsam gignere potuit. Nec spiritus sancti: quia nasci nō potuit. Si enim nasci potuit, potuit esse filius, & ita mutabilis esse potuit.

Hic queritur quomodo intelligendasint.

D

QVOMODO ergo accipiatur quod supra dīctū est, nō n. non potuit gignere, sed nō oportuit: quāli potuit, sed nō oportuit. Non est nobis per-

spicuum

spicuum aperire quomodo sit hoc verum, & ideo
sub silentio potius esset prætereūdum, nisi me su-
per hoc aliquid loqui cogeret instātia quærentiū.

Hic aperitur ex quo sensu accipienda sint. E

POTEST ergo sic intelligi. Non enim non po-
tuit sed non oportuit, id est, non ex impotentia
sui sicut quod filius nō genuit, sed ei non cōuenie-
bat: sicut Deus filius nō est De' pater, nec tamē hoc
ex impotentia sui est. Nam & pater similiter non
est filius, nec hoc est ex impotentia patris. Sed quæ-
rit Maximinus Arrianorum episcopus, Vnde ergo
est quod pater nō potest esse filius, vel filius pater?
Non utique ex impotentia, sed pater proprietate
generationis pater est, qua oportet eum non esse
filiū: & filius proprietate nativitatis filius est, qua
oportet eum nō esse patrem. De quibus proprie- Lib. 3 ca. 14.
tatibus postea plenius tractabitur. Distinct. 10.
huius pri-
mi.)

Vtrum pater natura sit potens gignere filium: & an
hoc sit aliqua potentia quæ
sit in filio. F

ITEM quæritur à quibusdam, Si pater potens
sit natura gignere filium, & an hoc sit aliqua potē-
tia quæ sit in filio? Ad quod dicimus, quia pater
non est potens nisi natura: eius enim potentia
natura est velesentia. At, inquit illi: Si potens
est gignere, habet ergo potentiam gignendi. Filius
autem non habet potētiam gignendi, si nō potest
gignere, habet ergo aliquā potētiam pater quam
non habet filius. Non sequitur. Eādem enim po-
tētia habet penit' filius, quā & pater, qua pater pa-
tuit gignere, & filius gigni potuit. Eadē n. poten-
tia est in filio, qua potuit gigni, quæ est in patre,
qua potuit gignere. Sed cōtra hoc opponitur, A- Oppositiō.
liud est posse gignere, aliud est posse gigni: quia a-
liud est gignere, & aliud gigni. Hic distinguēdū est.
Si enim cū dicitur, aliud est posse gignere, aliud
posse gigni: aliā significās potētiam, qua pater po-
tens